

Publicaziun nr. 658

Primavaira 2010

Il Cussegl da la Baselgia evangelica preschenta a tut ils commembers dals colloquis ed als consistoris las suandantas tractandas ed infurmaziuns. Questas èn da tractar dals consistoris resp. a la tschantada da primavaira dal colloqui.

Cuntegn

I. Tractandas

1. Concept da furmaziun da la baselgia
2. Regulativ davart la furmaziun dals collavuratur ecclesiastics (951); revisiun parziala
3. Projects colloquials da lavur per attempads

II. Rapports colloquials

4. Provisiuns
5. Organisaziun da l'instrucziun da religiun 2010/2011
6. Rapport dals incumbensads colloquials per ecumena, missiun e svilup (EMS)
7. **Visitaziuns d'archivs**
8. Lavur en la diaspora
9. Propostas per cudeschs
10. Revisiun totala da la constituziun da la baselgia
11. Propostas electoralas per mauns dal Cussegl grond evangelic
12. Renovaziun da la permissiun per predicatur(a)s laic(a)s
13. Novas propostas

III. Communicaziuns

14. Resumaziun dals resultats dals colloquis d'atun 2009
15. Rapport da l'incumbensada dal Cussegl da baselgia per migraziun, integraziun e fugitivs (MIF)
16. Occurrenzias colloquialas
17. Perfecziunament da trais mais
18. **Collecta d'avust 2010**
19. Giubileums
20. Sinoda 2010 ad Aschera
21. Spediziun dals protocols colloquials
22. Termis dals colloquis da primavaira 2010
23. Sessiuns dal Cussegl grond evangelic 2010
24. Termis dals colloquis d'atun 2010

I. Tractandas

1. Concept da furmaziun da la baselgia

Suenter il colloqui d'atun 2009 ha il Cussegl da baselgia restructurà l'organisaziun per l'elavuraziun dal concept da furmaziun.

Il proceder per la realisaziun dal model 1+1 è vegnì separà e surdà ad ina grupp da lavur speziala. Ensemen cun ina grupp da lavur catolica incumbensada da la baselgia catolica e da l'ordinariat ha ella elavurà ina posiziun communabla da las duas baselgias chantunalas a regard l'avegnir da l'instrucziun d'etica e da religiun. Ella è sa drizzada al Departament d'educaziun, cultura e protecziun da l'ambient (DECUP) per dumandar la collavuraziun en ils sequents puncts:

- Nominaziun d'ina persuna da contact en il DECUP ch'è responsabla per la realisaziun dal model 1+1 e che coordinescha l'introducziun
- Constituziun d'ina cumissiun per il plan d'instrucziun per il rom enconuschientschas da las religiuns ed etica (RUE). Vi da quella sa participeschan las baselgias gudent.
- Furmaziun da magisters e magistras per il rom RUE
- Definiziun da las pretaisas per magisters e magistras e pussaivladads d'ina qualificaziun supplementara per survegnir il permess d'instruir il rom RUE
- Garanzia da la qualidad d'instrucziun en il rom dal "Management da qualidad scola publica dal Grischun"
- Scleriment da la finanziaziun

La cumissiun predeliberanta dal Cussegl da baselgia en la quala tut ils organs da la baselgia chantunala èn represchentads, vegn regularmain infurmada davart il progress da la lavur en la grupp da lavur model 1+1. Suenter la finiziun da las tractativas vegnan ils resultats integrads en la segunda part, quella interna da la baselgia, dal concept da furmaziun.

La manadra dal project, rev. Denise Schlatter, ha cuntinuà cun las gruppas da lavur 1–4 **l'elavuraziun da la part interna** dal concept da furmaziun da la baselgia. In pass impurtant sin questa via era la dieta sinodala schlargiada al cumenzament da favrer, nua che tut ils sinodals, catechetas e catechets, e diacons e diaconas socialas han formulà ina **visiun comunabla davart "la furmaziun en la Baselia evangelica-refurmada dal chantun Grischun"** e las ideas directivas correspudentas. En lavuratori han ins sinaquai elavurà propostas da realisaziun. En pli èn vegnids ramassads e documentads spiertas e projects gia avant maun.

Sur dals resultats vegnan ils commembers da la cumissiun deliberanta dal Cussegl da baselgia ad infurmar il colloqui – **sch'il material è pront.**

2. Regulativ davart la furmaziun dals collavurators ecclesiastics (951); revisiun parziala

Situaziun da partenza

Il "Regulativ davart la furmaziun dals collavurators ecclesiastics" (951), relaschà dal Grond cussegl evangelic als

09-11-2005, regla en art. 5 la furmaziun da trais mais dals collavuratur ecclesiastics. En ils ultims onns è quai capità duas giadas che reverendas han curt suenter lur furmaziun da trais mais desditg lur piazza ed han bandunà la baselgia grischuna **per surpigliar ina pravenda en in'otra baselgia chantunala.**

Il colloqui V Signuradi – Tschintg vitgs ha als 25 da mars 2009 cun 24 vuschs da gea ed ina abstenziun supplitgà il **Cussegl da baselgia da complettar l'art.5 dal regulativ 951** sco segua: *"Ils custs èn da restituir a la raspada u a la baselgia chantunala, sch'il collavuratur u la collavuratura sorta entaifer trais onns suenter la fin da la furmaziun da trais mais dal servetsch da la baselgia chantunala. Cun mintga mais entir ch'ins lavura durant quests trais onns, sa reducescha la summa che fiss da pajar enavos a la raspada u a la baselgia chantunala per in 1/36."*

Proposta dal Cussegl da baselgia

Il Cussegl da baselgia cumplettescha il regulativ 951 art. 5 al. 1 cun il text sequent e formulescha da nov al.3

(Il nov text è stampà grass)

"¹ Ils impiegads da la baselgia han il dretg per ina furmaziun da trais mais. Per quai ston els avair lavurà en il servetsch da la Baselgia evangelica-refurmada dal chantun Grischun silmain set onns, da quai ils ultims trais onns tar il medem patrun. Quel dretg sa renovescha suenter ulteriurs set onns. El chala quatter onns avant che cuntanscher la limita da vegliadetgna. **Entaifer ils ultims trais onns avant la schliaziun dal contract da lavur cun la Baselgia evangelica-refurmada dal chantun Grischun,**

respectivamain cun ina raspada, èsi da restituir la paja.

² Sch'insatgi ha desditg sia piazza na po el betg retrair ina furmaziun da trais mais, sch'el sorta cun la desditga dal servetsch da la baselgia chantunala.

³ **La paja sto vegnir restituida a la raspada, sch'il collavuratur u la collavuratura sorta dal servetsch da la baselgia chantunala entaifer trais onns suenter la fin da la furmaziun da trais mais. Cun mintga mais entir ch'ins lavura durant quests trais onns sa reducescha la summa restituibla per 1/36."**

Motivaziun

Cun questa cumplettaziun na capita quai betg pli che collavuratur da la baselgia sortan dal servetsch da la baselgia chantunala curt suenter lur furmaziun da trais mais senza restituir lur paja. Questa cumplettaziun s'orientescha a la pratica dal chantun.

Il Cussegl da baselgia supplitgescha ils colloquis da prender posiziun a questa proposta da revisiun.

3. Projects colloquials da lavur per attempads

Tut ils colloquis han l'onn 2009 inoltrà al Cussegl da baselgia descripziuns e budgets per lur projects da lavur per attempads. Sinaquai ha il Cussegl da baselgia pudì pajar or ils meds finansials budgetads.

Ils responsabels per ils projects infurmeschan en ils colloquis davart ils projects per ils attempads. Tut tenor èn da trair decisiuns per cuntinuar la lavur. Il Cussegl da baselgia spetga ils rendaquints dals credits per 2009 ed eventualas dumondas **per pajar or credits per l'onn 2010 ensemen cun ils protocols colloquials.**

II. Rapports colloquials

4. Provisiuns

Corporaziuns che han prolungà in engaschament provisoric u che han stgaffi in tal, preschantan al colloqui in rapport en scrit davart questa provisiun. Il rapport va ensemen cun il protocol colloquial al Cussegl da baselgia. Cumpareglia la constituziun da la baselgia art. 21 cifra 6.

5. Organisaziun da l'instrucziun da religiun 2010/2011

Ils colloquis surveglian e coordineschan l'instrucziun da religiun en las plaivs.

Per ch'ìls colloquis possian accumplir lur incumbensa, ston els vegnir orientads a temp davart eventualas difficultads, che sa

mussan en **las plaivs en connex cun l'observar ils reglaments legals.**

Il Cussegl da baselgia supplitgescha perquai ils colloquis da dumandar lur commembers en las tschantadas da primavaira, sche en vista a l'onn scolastic 2010/2011 èsi da spetgar **problems cun dar l'instrucziun da religiun. Las plaivs cun tals problems èn da renviar per agid d'ina vart al post per l'instrucziun da religiun da la baselgia chantunala.**

Da l'autra vart vegn la manadra dal post tras ils protocols colloquials rendida attenta da la situaziun. Ella po tschertgar il contact cun ils responsabels da las **plaivs per ch'ils problems possian vegnir schliads avant ch'il nov onn scolastic cumenza.**

Il Cussegl da baselgia renda attent ch'ils reglaments areguard l'instrucziun da religiun valan per tut las scolas ed èn **d'ademplir.**

6. Rapport dals incumbensads colloquials per ecumena, missiun e svilup (EMS)

Ils colloquis dattan temp a las personas incumbensadas per ecumena, missiun e svilup (EMS) per pudair rapportar. Ils incumbensads colloquials èn, sco commembers da la cumissiun chantunala EMS, intermediaturs tranter las

activitads colloquialas e quellas chantunalas. En questa funcziun pon els dar impuls impurtants per tuttas duas varts.

Il **rapport a bucca** cumpiglia eveniments actuals ed infurmaziuns da la cumissiun EMS per mauns dal colloqui e da las plaivs.

Il **rapport en scrit** per mauns dal Cussegl da baselgia infurmescha davart las activitads colloquialas e quellas cun ils incumbensads da las plaivs.

7. Visitaziun d'archivs

Las visitaziuns extraordinarias dals archivs da las plaivs tar midadas da reverendas vegnan fatgas dapi l'atun 1991 d'in commember da la cumissiun d'archivs. Il Cussegl da baselgia supplitgescha **las suprastanzas dals colloquis d'infurmar il president** da la cumissiun d'archivs, rev. Hans Luzius Marx, Giacomettistrasse 28, 7000 Cuir, tel. 081 284 89 43, avant **ch'in(a) reverenda u in(a) provisor(a) parta**. Quest arranscha la visitaziun. Il rapport da la visitaziun va cun dus exemplars al colloqui pertutgant.

Ils rapports da las visitaziuns d'archivs davent da l'atun 2009 èn d'agiunscher al protocol colloquial.

Visitaziun d'archivs generala L'onn 2010 ha lieu ina visitaziun generala dals archivs da tut las raspadas. En mintga colloqui èn dus u trais persunas responsablas per questa lavur. Ils 7 da november 2009 aveva lieu a Cuir in di **d'infurmaziun** per las visitaduras ed ils visitadurs.

La visitaziun d'archives generala duai sche mai pussaivel vegnir finida avant las vacanzas da stad. Ils rapports da las singulas visitaziuns van als colloquis avant lur sesidas **d'atun**. Quels **fan in rapport cumplessiv da l'entir colloqui a maun dal Cussegl da baselgia**. Sch'i dat **remartgas spezialas** u reclamaziuns èn dad inoltrar al Cussegl da baselgia ils singuls rapports ensemen cun il protocol colloquial, uschiglio be ils rapports cumplessivs.

La cumissiun d'archives ha la responsabladad per questa visitaziun generala. Ella vegn ad evaluar ils resultads.

8. Lavur en la diaspora

Tenor art. 8 dal „Reglament davart la commemoranza ecclesiastica da concretaivels evangelics en vischnancas politicas senza plaiv evangelica (reglament per **las diasporas**)“ han ils / las reverendas da plaivs cun incumbensas en diasporas da rapportar al colloqui da primavaira sur da lur lavur en la diaspora. Ina copia da mintga rapport va al Cussegl da baselgia per mauns da la suprastanza da l'Uniun protestanta grischuna per agids ecclesiastics.

9. Propostas per cudeschs

Ils colloquials pon proponer cudeschs per la biblioteca pastorala evangelica e trametter lur giavischs cun il protocol colloquial a l'actuariat dal Cussegl da baselgia.

Il bibliotecar rev. dr. Jan-Andrea Bernhard, Castrisch, retschaiva gugent propostas per la cumpra da cudeschs che correspundan als criteris novs.

E-mail: pastoralbibliothek@gr-ref.ch

10. Revisiun totala da la constituziun da la baselgia

Propostas d'elecziun per la gronda conferenza cun gruppas

La grupp directiva è vidlonder d'elavurar in sboz general per la nova constituziun da la baselgia. Questa grupp directiva sa raduna en schaner e favrer 2010 e surdat alura il sboz general sco emprim document da lavur al Cussegl da baselgia.

Il pli impurtant ed essenzial vi da la segunda fasa è il process da participaziun. Sche tut va sco planisà, cumenza ella **d'atun 2010** cun ina gronda conferenza cun gruppas.

En sia proxima sessiun da zercladur vegn il Cussegl grond evangelic ad eleger ses delegads per questa gronda conferenza cun gruppas. La sinoda vegn ad eleger ses delegads la fin da zercladur 2010. Delegads dals diacons, dals posts spezialisads da la baselgia chantunala, dals consistoris etc. vegnan integrads.

Sche pussaivel vegnan integrads tras delegaziun u clamada tut ils gremis, uffizis, gruppaziuns, associaziuns professiunalas, collavuratur etc. **ch'èn liads cun la baselgia grischuna u èn interessads vi d'ella.**

Il colloqui han d'eleger en lur sesida da primavaira tenor grondezza dal colloqui **trais fin tschintg delegads per questa gronda conferenza cun gruppas** da l'atun 2010. En il protocol è da notar: num, adressa, numer da telefon ed adressa electronica dals delegads per ch'els possian vegnir envidads.

Igl è previs d'accompagnar questa segunda fasa da la revisiun totala da la constituziun cun ina plattafurma virtuala. Quella stat a disposiziun a tut ils interessents per sa participar a la discussiun.

11. Propostas electoralas per mauns dal Cussegl grond evangelic

Da primavaira 2010 n'ha il Cussegl grond evangelic da far naginas elecziuns.

12. Renovaziun da la permissiun da predicatur(a)s laic(a)s

En il „Reglament davart la permissiun al servetsch pastoral en Grischun“ vegn reglà en art. 7 il surpigliar da tscherts servetschs uffizials tras laics resp. laicas.

Il Cussegl da baselgia dat la uschenunada permissiun a **predicatur laics, resp. predicaturas laicas, sch'ina plaiv** propona in/-a **da ses commembers e sch'il colloqui**, tras votaziun secreta, decida da surdar la proposta al Cussegl da baselgia. La nominaziun tras il Cussegl da baselgia vala per quatter onns.

Il Cussegl da baselgia sto consultar il colloqui avant che renovar la permissiun.

Perquai dovra il Cussegl da baselgia en il protocol la posiziun dals colloquis pertutgants, per pudair renovar las suandantas permissiuns per predicatur(a)s laic(a)s. La renovaziun succeda en la tschentada da fanadur dal Cussegl da baselgia.

Coll. I	Sur igl Uaul	Edi Wäfler
Coll. II	Schons-Avers-Val Rain-Mesauc	
Coll. III	Sut igl Uaul	
Coll. IV	Cuira	Georg Rudin
Coll. V	Signuradi-Tschintg vitgs	Hanspeter Joos
Coll. VI	Scanvetg-Churwalden	
Coll. VII	Engiadin'Ota-Bregaglia-Poschiavo-Surses	
Coll. VIII	Engiadina Bassa-Val Müstair	
Coll. IX	Partenz	
Coll. X	Tavau-Alvra	

13. Novas propostas

Il colloqui po tenor art. 21 cifra 3 da la constituziun da la Baselia evangelica reformada dal Grischun surdar moziuns, intimaziuns e propostas al Cussegl da baselia. I sto esser **evident sche quai sa tracta d'ina moziun, d'ina intimaziun u d'ina proposta. En pli sto resortir dal protocol** sche quai sa **tracta d'ina moziun, intimaziun u proposta d'in colloqui entir** segund art. 21 dal urden da gestiun dal Cussegl da baselia, **u d'ina moziun, intimaziun u proposta d'ina persona singula** tenor art. 23 dal medem urden. Tar tut las moziuns, **intimaziuns u propostas d'in colloqui sto vegnir nudà il resultat precis da la votaziun.**

Sch'il Cussegl da baselia accepta **moziuns** vegnan quellas suttamessas als colloquis ed a la sinoda per consultaziun. Suentar vegnan questas tractadas definitivamain dal Cussegl grond evangelic. Moziuns acceptadas han per consequenza **ina midada da la lescha. Sch'il Cussegl da baselia refusa moziuns, motivescha el quai en il rapport uffizial.**

Sch'il Cussegl da baselia accepta **intimaziuns e propostas**, ha el la pussaivladad da vegnir sez activ en il **senn da quellas. Sch'il Cussegl da baselia refusa intimaziuns e propostas, motivescha el quai en il rapport uffizial.**

III. Communicaziuns

14. Resumaziun dals resultats dals colloquis d'atun 2009

Il Cussegl da baselgia resumescha ils protocols areguard las tractandas dals ultims colloquis.

Fond d'urgenza da la Cassa da pensiun

Il Cussegl da baselgia propona da midar il fond d'urgenza da la veglia Cassa da pensiun en in Fond d'urgenza da la Cassa da la baselgia evangelica reformada dal Grischun. La facultad importa ca. CHF 200'000.– ed è **d'utilisar per il sustegn dals collavuradors da la baselgia chantunala e lur relaschads en cas da basegn extraordinari.**

Sis **sinodals pensiunads han fatg la cuntraproposta d'eliminar il fond d'urgenza. Cun la facultad duai vegnir restituida in part da la chareschia betg cumpensada a quels ch'èn vegnids pensiunads avant ils 31-12-2007. L'autezza da la renta actuala sto vegnir resguardada.**

Dals protocols colloquials resortan las sequentas posiziuns:

Il colloqui VII Engiadin'Ota-Bregaglia-Poschiavo-Surses n'è betg entrà.

Ils colloquis III Sut igl Uaul, IV Cuir e V Signuradi-Tschintg vitgs acceptan cun gronda majoritad la proposta dals sinodals pensiunads.

Il colloquis I Sur igl Uaul, II Schons-Avers-Val Rain – Mesauc, VI Scanvetg-Churwalden, VIII Engiadina Bassa-Val Müstair, IX Partenz e X Tavau-Alvra acceptan cun gronda maioritad la proposta dal Cussegl da baselgia.

Il Cussegl da baselgia suttametta la tractanda a la sinoda ad Aschera per prender posiziun.

Instrucziun da religiun model 1 + 1; realisaziun

L'evaluaziun dals protocols colloquials mussa la situaziun sequenta:

- **L'intenziun d'elavurar in concept educativ che persvada** vegn acceptà unanimamain.
- Il cuntegn e la dimensiun dal text en la missiva han ins resentì dentant bleras giadas sco plitost confus.
- Igl è bler vegnì discutà dal model 1 + 1 e da dumondas operativas en quest connex (**legitimaziun d'instrucziun dubla etc.**).
- Il plan da termin vegn resentì sco memia stretg.
- La retschertga davart la lavur cun uffants e giuvenils sin basa confessiunala ed ecumenica mussa diversas **activitads ch'èn sa cumprovas**; dentant èn quellas derasadas en maniera fitg differenta en las regiuns. En quest sector è giavischabla ina collavuraziun regiunala anc pli gronda.

15. Post per migraziun, integraziun e fugitivs (MIF); rapport

Il post infurmescha las raspadas e las pravendas puspè davart la dumengia dals fugitivs e respectivas activitads pussaivlas. En pli gida il post ad organisar il di dals fugitivs a Cuir. Er 2010 è in punct central la tgira da famiglias e dunnas en ils centers. Tar ils duairs principals tutgan visitas regularas ed agid en dumondas dal mintgadi tar las famiglias che lavuran ed abitan dador ils centers.

Daniela Troxler, Schiers, diacona sociala, incumbensada MIF
Carsilias 195 b, 7220 Schiers
tel. 081 328 19 79; e-mail daniela.troxler@gr-ref.ch

16. Arranschaments colloquialas

Las conferenzas pastorals, las retratgas, ils arranschaments per sa scolar enavant, las festas circuitals ecclesiasticas e las sairadas colloquialas han – tenor ils **protocols da l'atun 2008 enfin l'atun 2009** – tractà ils temas suandants:

Colloqui I Sur igl Uaul

- 5 da november 2008: conferenza evangelica Gruob: Svilup da l'ambient Surselva
Referents: Reto Gurtner ed Andrea Hämmerle
- 20 da november 2008: conferenza pastorala: spiritualitad en la vista neurobiologica
- 6 da favrer 2009: conferenza pastorala: Las varts stgiras da la Sontga Tschaina
- 10 da matg 2009: Festa ecclesiastica a Versam
- 19 da matg 2009: conferenza pastorala: evaluaziun festa ecclesiastica 2009
- **19 d'avust 2009:** conferenza pastorala: trenament da segirezza per automobilists a Cazas (driving Graubünden)
- **31 d'avust 2009:** conferenza pastorala: excursiun
- 17 da settember 2009: conferenza pastorala: liturgias per la Sontga Tschaina
- 11 da november 2009: conferenza evangelica Gruob a Glion: reagir en maniera constructiva sin violenza giuvenila

Colloqui II Schons-Avers-Val Rain-Mesauc

- **Referat davart l'iniziativa d'etica**
- Referat davart Calvin
- Dieta populara evangelica 2009 cuminanza da pastoražiun Val Rain
- Duae conferenzas pastoralas
- **Champ d'uffants:** patrunadi raspada evangelica Andeer
- Referat davart la baselgia en Val Schons durant la refurma. Pastoražiun Muntogna da Schons.

Colloqui III Sut igl Uaul

- Conferenzas pastorals Sut igl Uaul e Schons-Avers-Vain-Mesauc:
 - favrer 2009: "Palliative Care" / referentas: Verena Buchli, rev.Marianne Iberg e rev.Susanna Meyer Kunz.
 - zercladur 2009: film "Schmetterling und Taucherglocke"
Tema: **Tgira d'olma per umans che na pon betg vegnir guarids d'ina malsogna greva.**
 - 12 da november 2009: **visita da l'exposiziun** "Palliative Care beginnt im Leben" a Cuira.
- 3 da matg 2009: Dieta evangelica Sut igl Uaul a Tusan.
Tema: La forza da la cretta.

Colloqui IV Cuira

Nagin rapport

Colloqui V Signuradi-Tschintg vitgs

- Dus ensolvers pastorals
- Cumià da rev. Jens Köhre

Colloqui VI Scanvetg-Churwalden

- Di da schuppa a Castiel
- Dumengia dal Scanvetg a St. Peter

Colloqui VII Engiadin'Ota-Bregaglia-Poschiavo-Sursès

- 12 da settember 2008: Discussiun cun Urs Dubs, schefredactor Engadiner Post, davart lavur da publicità en connex cun la rubrica "Sonntagsgedanken" dals teologs d' Engiadin'Ota e las valladas dals sid.
- 9 da schaner 2009: Discussiun cun R. e U. Häfner, La Punt - Chamues-ch, manaders **d'in servetsch da sepultura: Sepulturas en Engiadin'Ota**, potenzials da meglieraziun e pussaivladads da cooperaziun.

Colloqui VIII Engiadina Bassa-Val Müstair

- 3 conferenzas pastorales
- 3 sairadas en Engiadina Bassa davart Calvin
- Di da las raspadas a Lavin, tema: "labirint".

Colloqui IX Partenz

- Conferenza pastorala a Seewis, tema: Calvin

Colloqui X Tavau-Alvra

- 25 da settember 2009: Referat a Bravuogn da rev. Andreas Kriesten, Igis-Landquart, davart il tema: Baseldgia en la midada.
- 4 da november 2009: AKID **davart l'iniziativa** da minarets

17. Perfecziunament da trais mais

Per la preparaziun d'in perfecziunament da trais mais per collavuratur(a)s ecclesiastic(a)s durant l'onn 2011 èn impurtants ils quatter puncts suandants:

1. Annunzia tar il Cussegl da baselgia **avant la sinoda 2010** per mauns dal preventiv da la Cassa da la baselgia evangelica chantunala. Il Cussegl da baselgia prenda cogniziun da quest' annunzia.
2. Annunzia **al colloqui d'atun 2010** per sclerir ils remplazzaments vicendaivels ed eventuals perfecziunaments da plirs colloquials al medem temp.
3. Dumonda cun il cuntegn dal program da perfecziunament al Cussegl da baselgia **sis mais avant il cumenzament dal perfecziunament**. Questa dumonda sto esser suttascritta da la patruna e dal presidi dal colloqui. Sin quai tracta il Cussegl da baselgia la dumonda e dat part sia decisiun en scrit.
4. Communicaziun davart la regulaziun dals remplazzaments e dals custs relativs al Cussegl da baselgia **dus mais avant ch'il perfecziunament cumenza**. Cun questa communicaziun vegn garantì, che tut ils remplazzaments funcziunan e ch'els vegnan pajads tenor las tariffas usitadas.

Las indicaziuns detagliadas davart il perfecziunament da trais mais stattan scrittas en l' "Urden davart il perfecziunament da collavuratur(a)s ecclesiastic(a)s" (951), ils art. 6 fin 13. Ina versiun curta dalonder è la "Glista da controlla:

Perfecziunament da trais mais" en la homepage dal Cussegl da baselgia. www.gr-ref.ch/Service/Publikationen/Formulare

18. Collecta d'avust 2010

Il Cussegl da baselgia destinescha la collecta d'avust 2010 per la societad "Agid per glied che tschertga asil" en favur da la consultaziun giuridica.

19. Giubileums

Las suprastanzas dals colloquis ed ils consistoris pon communitgar en il protocol colloquial giubileums da **servetschs d'impiegad(a)s ecclesiastic(a)s e da collavuratur(a)s voluntar(a)s**. Questa communicaziun po vegnir communitgada er en scrit a l'actuar dal Cussegl da baselgia: Giovanni Caduff, Loëstrasse 60, 7000 Cuir.

Giubilars e giubilaras survegnan alura ina charta d'engraziament dal Cussegl da baselgia. Igl è indispensabel, che las communicaziuns cuntengnan ils nums entirs e l'adressa precisa dals giubilars. Per plaschair notar er la funcziun ed ils onns da servetsch.

20. Sinoda 2010 ad Aschera

La **sinoda 2010 ad Aschera** cumenza la gievgia, ils 24 da zercladur avantmezdi a las 10.00 e va enfin glindesdi, ils 28 da zercladur.

Il **proponent**, rev. Jens Köhre, Andeer, referescha davart il tema: "Zum Verhältnis von Staat und Kirche" – Exegetische, kirchengeschichtliche und zeitgenössische Überlegungen zu einem komplexen Verhältnis.

Predicatura sinodala è rev. Sabine-Claudia Nold, Trin.

21. Spediziun dals protocols colloquials

La tschentada dal Cussegl da baselgia, nua ch'ils protocols colloquials vegnan evaluads per mauns da la sinoda, ha lieu ils 20 da matg 2010.

Cura ch'ils protocols èn scrits, als tramettan ils presidents / las presidentas u ils actuars / las actuaras dals colloquis digitalmain a margreth.daescher@gr-ref.ch . **Per l'elavuraziun** dals protocols è quai in grond agid. Grazia.

Ils protocols colloquials suttascrits dal president ed actuar resp. presidenta ed actudara èn da trametter enfin ils **30 d'avrigl 2010** al Cussegl da baselgia, Loëstrasse 60, 7000 Cuira.

Ils protocols dals colloquis d'atun èn d'inoltrar enfin ils **30 da settember 2010**.

22. Termins dals colloquis da primavaira 2010

I Sur igl Uaul	mesemna, ils 17-03
II Schons-Avers-Val Rain-Mesauc	mesemna, ils 17-03
III Sut igl Uaul	mesemna, ils 10-03
IV Cuira	mesemna, ils 14-04
V Signuradi-Tschintg vitgs	mesemna, ils 07-04
VI Scanvetg-Churwalden	mesemna, ils 17-03
VII Engiadin'Ota-Bregaglia-Poschiavo-Surses	mesemna, ils 07-04
VIII Engiadina Bassa-Val Müstair	mesemna, ils 24-03
IX Partenz	mesemna, ils 24-03
X Tavau-Alvra	mesemna, ils 10-03

23. Sessiuns dal Cussegl grond evangelic 2010

- Mesemna, ils 2 da zercladur 2010, suentermezdi en la sala dal Cussegl grond
- Mesemna, ils 10 da november 2010, l'entir di en la sala dal Cussegl grond

24. Termins dals colloquis d'atun 2010

Il Cussegl da baselgia supplitgescha ils actuars e las actuaras da notar en il protocol ils termins dals colloquis d'atun 2010.

Cussegl da baselgia chantunal

Cuir, en schaner 2010

Lini Sutter
presidenta

Giovanni Caduff
actuar